



Bosna i Hercegovina
Federacija Bosne i Hercegovine
Kanton Sarajevo – Grad Sarajevo
OPĆINA CENTAR SARAJEVO
OPĆINSKI NAČELNIK

Na osnovu čl. 15. stav (1) tačka 2. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), člana 7. i člana 25. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), Odluke o pristupanju izrade Strategije razvoja Općine Centar za period 2021-2027 broj: 04-49-1992/19, Odluke o izvršavanju Budžeta Općine Centar Sarajevo za 2021. godinu („Službene novine Kantona Sarajevo“, br. 10/21), Općinski načelnik o b j a v l j u j e:

JAVNI POZIV

Za angažovanje konsultanta za strateško planiranje po osnovu ugovora o djelu

I

Općina Centar Sarajevo poziva sva zainteresovana fizička lica da podnesu prijavu u svrhu:

izbor konsultanta, koji će pružiti podršku procesu strateškog planiranja u Općini Centar Sarajevo za razdoblje 2021-2027, a koja će uključivati proces pregleda i reprogramiranja važeće Integrirane strategije razvoja Općine Centar Sarajevo (2016-2022), te prilagođavanje postojeće Strategije odredbama Zakona o razvojnom planiranju i upravljanju razvojem Federacije Bosne i Hercegovine i pripadajućeg podzakonskog akta o izradi strateških dokumenata.

II

Naziv pozicije: Konsultant za strateško planiranje (I izvršilac)

Mjesto rada: Općina Centar Sarajevo

Vrijeme angažmana: 6 mjeseci

III

Konsultant će, u saradnji sa razvojnim timom za izradu Strategije, razvojnim timovima za ekonomski, društveni, održivi infrastrukturni i prostorni razvoj, timom za dobru i inkluzivnu upravu, te stručnim službama, izvršiti sljedeće zadatke:

- Mapiranje aktera u procesu planiranja
- Priprema plana radionica
- Medijacija rada na radionicama po tematskim oblastima
- Pružati stručnu podršku u pripremi situacione analize po oblastima sa SWOT i PESTLE analizom

- Pružati stručnu podršku u izradi strateške platforme koja obuhvata određivanje vizije razvoja i strateških ciljeva;
- Pružati stručnu podršku u određivanju prioriteta i mjera;
- Pružati stručnu podršku u identifikaciji strateških projekata;
- Provjera međusobne usklađenosti strateških dokumenata sa razvojnim dokumentima viših nivoa;
- Izrada Prijedloga indikativnog finansijskog okvira za implementaciju Strategije sa uvažavanjem principa SMART-a (specifičnost, mjerljivost, ostvarivost, realnost u odnosu na resurse i vremensku ograničenost);
- Definisanje načina implementacije, praćenja, izvještavanja i evaluacije strateških dokumenata;
- Priprema Nacrta Strategije
- Učešće u procesu Javne rasprave o Nacrt Strategije
- Analiza rezultata Javne rasprave
- Učešće u izradi Prijedloga Strategije

IV

Potrebne kvalifikacije:

- Završen studij, VII stepen obrazovanja, iz oblasti: ekonomija, društvene nauke ili srodno područje;
- Najmanje 3 (tri) godine progresivnog iskustva u lokalnom razvoju, strateškom planiranju i/ili provedbi strategije, prvenstveno na lokalnom/regionalnom nivou, posebno u Bosni i Hercegovini;

Dodatne kvalifikacije:

- Iskustvo u analizi, definiciji i provedbi lokalnih razvojnih politika, strategija ili programa, posebno relevantnih za lokalni/regionalni nivo;
- Iskustvo u primjeni MiPRO-a i/ili druge relevantne metodologije strateškog planiranja na lokalnim ili višim nivoima vlasti u Bosni i Hercegovini;
- Iskustvo u izradi strateških dokumenata na lokalnom ili višim nivoima vlasti u Bosni i Hercegovini

V

Uz prijavu kandidati su dužni dostaviti:

- Ovjerenu kopiju fakultetske diplome;
- Finansijsku ponudu sa mjesečnom neto naknadom pružanja stručnih usluga kao i ukupni iznos naknade za cijeli angažman (u BAM);
- Biografiju uključujući relevantno iskustvo i kontakt informacije (e-mail adrese) osoba relevantnih za iskustvo kandidata;

VI

Javni poziv će biti objavljen na web stranici Općine Centar Sarajevo i Oglasnoj ploči Općine Centar Sarajevo.

Prijave sa dokazima navedenim u članu V Javnog poziva zainteresirani kandidati dužni su dostaviti putem pošte preporučeno ili neposredno na adresu:

Općina Centar Sarajevo
Ulica Mis Irbina br. 1
71000 Sarajevo

uz naznaku

„Prijava na javni poziv za angažovanje konsultanta za strateško planiranje“
-NE OTVARATI-

Nepotpune i neblagovremene prijave neće se uzeti u razmatranje.

Javni poziv ostaje otvoren do 15.06.2021.

Dokumentacija priložena uz prijavu se ne vraća podnosiocu.

Općina Centar Sarajevo zadržava pravo da od izabranog kandidata zatraži dodatnu dokumentaciju, kao i da izvrši provjeru dostavljene dokumentacije.

Sve dodatne informacije vezane za Javni poziv se mogu dobiti pozivom na broj telefona: 033 562 347 i putem e-maila: dzanan.serdarevic@centar.ba

VII

O rezultatima izbora kandidati će biti blagovremeno obaviješteni pismenim putem.

Sarajevo, 25.5.2021.godine

OPĆINSKI NAČELNIK

Srđan Mandić